

ULTIMUM
HONORIS OFFICIUM,

VIRO

PRÆCELL. AMPLISSIMO atq; CLARISSIMO

**D. M. GEORGIO
WENDIO,**

RECTORI de Gymnasio Thoruniensi
& Re Literaria olim
meritissimo.

Cum Animam A. M. DCC. V. d. 7. Julii
Christo pie commendasset,

Corpusq; Ejus Cryptæ Marianæ
d. 12. p. m. Christianis ritibus
inferetur,

FAUTORES ET AMICI
Ministerii Ecclesiastico - Thoruniensis
prestare voluerunt

Anno, quo ingeminamus:

Castigatis, Domine, In gratia parce.

THORUNII,

EX OFFICINA NOBILISS. SENATUS ET GYMNASII,



Uti senio fractæ sunt vires atqve labore,
 Is requiem qværens otia tuta petit.
 Sic Rector noster senio fractusqve labore,
 Transiit ad celsi climata diva poli.
 Illic tranquillæ consumit tempora pacis,
 Angelicisqve Choris associatus ovat.

In Honorem B. Dni. Rectoris septuagenarii scripsit

MICHAEL RINGELTAUB,
 Eccl. T. & P. Neopol.

Difficilis labor est juveniles flectere mentes,
 Ac varias artes posse docere benè.
 Quo gravior labor est, hoc merces major habetur
 In cœlo, qveis sunt Sceptra regenda Scholæ.
 Hac quoqve jam gaudet Rector mercede beatus,
 Et capit è dextra præmia summa DEI.

*Piis manibus Amici olim conjunctissimi, nunc desideratissimi
 inter concatenatos labores deproperabat*

M. GODOFREDUS WEISSIUS,
 ad D. M. Ecclesiastes

Qondam Zeno fuit Rector przclarus Athenis,
 Quem casto erudit docta Minerva sinu,
 Ut posset Studiosis se præbere Magistrum
 Millibus ad votum, non sine sorte sua:
 Thorunio, si parva licet componere magnis,
 WENDIUS officio Zeno vel alter erat;
 Commissæ studuit, svavi faciliqve, juventæ
 Artes ingenuas insinuare, modo.
 Discipulos veluti Pater est complexus amore,
 Omne tamen prohibens impietatis opus.
 Ingenium, probitas, doctrina, modestia, virtus
 Hunc Pyladem poterant reddere jure piis
 Cur cito debilitatus abit, quid conqverar? Eheu
 Tristitiam neqveunt verba referre meam!
 Ast vivit felix, jam carpit gaudia cœli,
 In quem nec cristas erigit hostis atrox.
 Sedibus in superis magno splendore coruscat,
 Ceu fulgent nitidi sidera clara poli.
 Gratulor ac doleo: Cinerès salvete, valete,
 Salve cœlituum portio, vive, vale!

*Ultimum honoris officium piis exhibere manibus
 voluit ac debuit*

MARTINUS OLOFF,
 Eccl. ad D. Mar. Polon.

WENDIUS heu! cecidit, jugulatus cuspide mortis,
 Gymnasii Nostri qui MODERATOR erat:

CAR.

CARPOPHOROS inter PLANTANTIS Nomine Clarus, (a)
 Aonidum celebris Gloria Magna Chori :
 Cujus Doctrinam bibulis haustum veniebant
 Auribus, haud pauci Discipuli Juvenes.
 Quid juvat (heu!) Charites toties coluisse Sorores?
 Quidve in Parnassi secubuisse Jugis?
 Quid juvat ornatum variis Virtutibus esse?
 En cadit, & Virtus quem beat alma Virum!
 Quid juvat Ore pio toties docuisse Juventam,
 Si tamen & Doctos Vis rapit atra Necis?
 O quàm Morta SCHOLAM viduas DOCTORE nefanda;
 Uxoremqve Viro; Pignora chara Patre!
 Pulpita RECTOREM deflete; Juventaqve luge;
 Vos quoque COLLEGÆ: Vestra Corona jacet.
 Heu! benè RECTORIS complevit Munia cuncta,
 Punctum RECTORIS gnaviter omne tulit.
 Pervigil in Studiis, in Munere sedulus, atqve
 Formandæ Pubis gnarus, & Arte gravis.
 Quid meruit? Podagram, scholico de pulvere Tussim,
 Cum Tussi Tabem, quâ superante, Necem!
 Hic honor, hoc pretium est, hoc defudantis in Antro:
 Præmia sunt vulgò pulverulenta Scholæ!
 Sic Mundi mos est perversus: at Arbitr Orbis,
 RECTOR RECTORUM Munera digna refert.
 Post tot, post tantos, exantlatosqve Labores,
 Amphitryoniadæ reddita grata Qvies.
 Parendum est, quoqvò Summi vocat alma Voluntas,
 Ipus quæ curvat, recta quis illa dabit? (b)
 O TE Felicem! qui Mole quiescis ab omni;
 Curarum liber gaudia mille capis!
 Nullos jam sentis Morbos, Chiragra Phthisisqve
 Cessant, & Cœli Regna beata colis!
 Nec TE perpetuus nigricanti somnus arenâ
 Urgebit, Famam vivere Musa jubet.
 Vive, valeqve, Choris, VIR FELIX, junctæ Beatis,
 Cum sanctis Geniis vive, DEUMqve cane:
 Molliter interea requiescant ossa sepulchro,
 Nominis atqve Tui vivat in orbe Decus!
 Ast DEUS ipse (suâ nunc pro Bonitate) Juventæ
 Prospiciat, Dignum substituatqve VIRUM!

(a) Conf. Programma in Introductione B. Viri
publicatum Anno 1695. 16. Junii.

(b) Coheleth VII. 14.

Condolens f.

SAMUEL Schönwaldt /

Ecclesiastes Nov- Oppidanus.

Sic placuir superis, mortem ut Vir doctus obiret,
 Directorqve Scholæ WENDIUS, arte potens.

Non

Non quod nos volumus, sed quod vult Numen id ipsum
Fit, saepe in cassum nostraque vota cadunt.
Decretum coeli sanctum est, obsistere frustra
Conaris; dicas: Sit requies animæ.
Dicimus hoc functo vitâ, nos atque paramus,
Ne nos incautos opprimat illa dies.

Supremo honori scribebam condolens

GODOFREDUS RACKI, ad S. Georg. Eccl.

Natales quondam largita Silesia tellus
WENDENIO, funus Prussia nostra dedit.
Ingenii dotes formavit Lipsia dextrè,
Thorunium fructus Breslaque Lauba tulit.
Annos dignus erat nobiscum vivere plures,
Utpotè cui curæ grex juvenilis erat.
Vivere sed cessat, plangentes heicce relinquit
Vitæ consortem, Gymnasium, sobolem.
Et lingvâ & scriptis permultum profuit Orbi,
Et fecit docto quæ facienda Viro.
Hinc post fata suo non est orbandus honore:
Orator, Vates ac Polyhistor erat.

Epitaphii loco in laudem Viri, dum viveret, de Gymnasio & re literaria bene meriti deproperabat

DANIEL KÖHLER / Eccl. ad D. Mariæ

Plangite Musarum Cultores busta sacrata
RECTORIS Clari, ritè docentis opus.
Plangite Vos Mœsti, lachrymantes morte peremptum
Marem sicque Patrem. Cessat & esse Pater!
Tollite sed questus, ad sidera tollite vultus,
Est & erit VOBIS summus IOVA PATER.

Hæc in honorem inextinctum memoriamq; laudabilem, piè defuncto, VIRO Pracellentissimo, lugens apposuit

GODOFREDUS CHOLEVIUS, Eccl. Grembocinensis.

Cuncta suos repetunt ortus, matremque requirunt
Inque solum remeat, quod fuit ante solum.
Non tamen enectò mors omnes corpore finit,
Fama sed evictos effugit acta rogos.
Vivis adhuc, Nomenque Tuum, Famamque loquantur
Lustra renascentem: WENDIUS usque vigēs.
Casibus exemptus dubiis, fatisque malignis,
Adspicis in Cœlo jam sine fine DEUM.

Honoris & consolationis ergo apposuit

JOHANNES HELD, P. Gursk.

